

沈達夫 著

風人詩



風人詩



毫揮上會文國美在者作

奇篇妙字著生香
呼翕山光與水光
骨冷神清誰得似
古來惟有沈東陽

達夫先生

彭

醇士




彭醇士先生詩

歸國詩存

回首餘歌廿載遠山
光樓影兩依依徐家
討昔吳鴻去尚見蒼
鷹繞塔起

林語堂



馬山 鳴 齊 竹 空 鄰 里
 聽 高 吟 感 興 新 人 悲
 聞 來 吟 發 望 斯 下 而
 后 十 斯 人

鳳山欣與仲聖鄰
 每聽高吟感興新
 大衍聲華今韻起
 斯庵而後有斯人

達夫先生

吳天
 子孫



故國游 一九八一

依約河山似舊游。重來忽忽卅余秋。欲知多少滄桑事。但看歸人雪滿頭。
千古京華夢一場。帝王宮殿太淒涼。何如百姓家溫暖。燕語呢喃話夕陽。
烟雨蒙蒙萬綠酣。今朝身復在江南。人間離合真如夢。愁倚車窗望遠嵐。
江南風物倍情親。一見湖山似故人。誰道還鄉猶是客。舟車僕僕逐風塵。
一樹垂楊一畫樓。余生何幸見蘇州。庭園爭道網師好。移得春光殿美洲。

美重價仿建網師移春殿

重携殘夢續清游。卅里湖光一葉舟。等是六橋烟柳綠。只今白了少年頭。

回鄉偶書

乍見翻疑夢里逢。回身一抱笑啼融。醉人最數家鄉酒。若比親情未是濃。
昔日相離猶襁負。而今兒女忽成行。茫茫往事何由問。訪舊惟應到北邙。
王家最小偏憐女。一笑微紅透酒渦。向人低語背人立。猶似當年爾外婆。
聞道故人無恙在。今朝況復共家山。湖光潑灩渾如昨。却恨緣猶一面慳。

千言萬語從何說。揮泪依依別故鄉。幾度回頭還自慰。人間何處不滄桑。

桂林山水題句

舵樓人倚赤欄杆。真個銷魂畫卷前。灘水彎彎羅帶碧。桂山點點玉簪尖。
紛從雲外幻多姿。象馬龍蛇信有之。飽看名山天下遍。千峰惟有灘江奇。
鑿崖為路方容足。戰戰兢兢捫壁游。路盡還登千級石。水天一色遠嵐浮。
拔地千峰一水環。灘江飲象鼻堪攀。懸崖孤坐誰家子。彩筆無聲寫月山。
一陣驚呼一瞥窺。洞中鐘乳幻千奇。神龍天女尋常事。想見媧皇煉石時。
萬象都收咫尺中。但憑摹擬每相同。三山縹緲疑仙闕。百怪猙獰訝鬼宮。

游故宮至珍妃井聞播古琴 一九八三

紫禁城高鎖碧梧。湘弦哀遠鳳鳴孤。幾多恩怨前朝事。寂寞猶留一井枯。

訪蘆溝橋

石獅百八照蘆溝。一水悠悠空自流。四十六年猶有恨。微烟細雨立橋頭。

赴洛陽車中

回首前塵事可傷。輕車大野逐荒涼。誰知四十來年後。一笑重來訪洛陽。
一自倉皇洛上回。倚衾夜夜夢奔雷。滔滔萬里黃河水。今日真從天上來。

洛陽口占

龍門馬刹問年華。細雨輕塵走鈿車。見說牡丹天下冠。洛陽看盡只無花。

訪少林寺

十八盤登少室陰。少林古寺白雲深。唐碑漢柏尋常事。立雪長懷斷臂僧。

別中岳

蕭然詩意入高寒。恰似嵩山一片雲。何日重來登太室。吟教三十六峰聞。

再至長安

西望長安百感深。少年身世太飄零。誰知白首還鄉日。直驅長車兩過秦。

過灞橋

十里青青柳色嬌。離情千古總難銷。此身合是詩人未。細雨斜陽過灞橋。

半坡村懷古

今日衣冠來萬國。先民遺迹六千年。半坡村上憑欄立。天地悠悠一愴然。

登桐君山

夜泊桐廬憶舊游。荻花如怨水如愁。今朝始見桐君面。笑上春江第一樓。

瑶琳仙境

瑶琳仙境位于桐廬史有記載聞清代某州官失銅鏡于此因而被封淹沒至今蓋二百余年矣見說州官失鏡銅。名山千載白雲封。而今應為漁郎喜。世外桃源有路通。金華古洞蟠雙龍。陽朔奇岩十二峰。爭似瑶琳仙子好。風情萬種不相同。

古越雜咏

飯前猶得片時閑。古越城邊有路環。欲倚高亭望滄海。亟携小隊上龍山。千古風流一放翁。春波橋下憶驚鴻。白頭萬里歸來日。先向沈園尋舊踪。蘭亭禹寺游踪遍。更向山陰道上回。携得萬峰千嶺色。驅車來訪越王臺。平生搜集古人畫。最愛青藤與老蓮。聞說故居無一里。還鄉恨未訪雙賢。卅年不見遐凝堂。門巷依稀半憶忘。欲問兒童今在否。茫然相對發蒼蒼。

舊夢重尋過小皋。秦園觴咏迹非遙。雕甍畫棟生兒地。一笑今成養鴨寮。

贈采荷

一曲清歌五十年。死生消息兩茫然。誰知青鳥銜書至。舊夢重回到眼前。
少年意氣欲凌雲。下筆千言動越城。今日相知惟有爾。呼名猶道海先生。
鏡湖一棹烏篷船。曾到茅廬吃大菱。失喜故人有嬌女。往游能記阿爺文。

黃山游詩 一九八六

愛從畫里對黃山。夢到天都北海間。風雨不辭攀險上。要憑親眼看雲瀾。
輿穿人海百心驚。生死危崖一發爭。都道名山天下勝。此身却矢不重行。
一綫穿天上玉屏。老松破壁幻龍靈。縱教雲霧妨游目。已覺幽懷入窈冥。
曉來薄霧喜微晴。天外奇峰各顯形。閑倚玉屏樓上望。一松送客一松迎。
玉屏樓前有迎客松與送客松各一株

卓絕雲際天都峰。繩梯攀躋愁袁公。誰能直上最高頂。盡攝千岩人眼中。
老松騎石每傾身。霧里蓮峰半幻真。一種秀奇誰得似。從今不作看山人。

鎖泉橋上問仙源。一碧溪流萬翠分。昨夜桃花峰下宿。歸來猶帶滿身雲。

三峽行吟

三峽西陵數最長。峰旋谷轉水回腸。江流何事偏憐此。來自詩人屈子鄉。
落日余暉望欲無。江天盡處客帆孤。蒼茫平遠兼高遠。一幅郭熙山水圖。
殘宵到枕驚風雨。却是舷邊浪發霆。淡墨為山深墨水。江燈點點閃金星。
燈探兩岸彩如虹。倒影蒼江看萬峰。馬肺牛肝何處是。依稀身在翠屏中。
兩岸啼猿久絕音。燈窗夢覺起長吟。重岩疊嶂寒江夜。猶有詩人一舸經。
三峽風光壯此游。群峰萬壑赴夔州。巫山巫峽無雲雨。十二峰頭神女愁。
丹青一卷是西陵。雲雨巫山夢亦真。若問險奇何者是。瞿塘狹處只容身。
峭石峻岩草不生。人家三兩自成村。葛天民與無懷氏。出入何知帝力尊。
聞道瞿塘不可游。千帆穩若度河洲。憑誰一掃空龜象。灩澦堆消萬古愁。
百折真同繞指柔。萬山難阻大江流。前人爭說瞿塘險。風浪無驚泛客舟。
瞿塘峽盡見夔門。遙指雲間說帝閭。野語荒唐聽已慣。將疑史迹亦無根。

鄉導屢爲講民間傳說類多不經轉疑所說蜀主托孤事亦妄言矣

李白高吟白帝城。雲間金碧見飛甍。滄桑世事誰能料。不廢詩人萬古聲。

三峽建壩白帝城等古迹均將成歷史名詞矣

山城萬縣曙初分。塵舍如梯欲入雲。歷盡巴東三峽險。一江如鏡看丹矚。
石寶山頭塔幾層。身爲梯石頂爲亭。山靈似欲留行客。一片浮雲那有心。
名城古剎指西隅。地獄層層信有無。一任輪回從佛說。倚舟無語過鄴都。
水闊山遙旭日升。輕舟聞道過涪陵。鵝峰烟雨花溪月。只待先生一杖藤。
八年轉輾逐烽塵。未共豪門入蜀京。今日枇杷山上立。隔江愁聽杜鵑鳴。

游黃鶴樓

昔人已乘黃鶴去。今日更無黃鶴樓。烽火一杯兄弟共。滄桑百載怨恩休。
五十年前曾與弟共品茗于黃鶴樓今境移物換欲尋舊迹已渺不知所在矣

雕甍畫閣皆新起。芳草晴川失舊游。獨倚危欄重悵望。茫茫天際大江流。

長城感賦

趙氏長城實首創。未聞怨語出何方。始皇只把古牆補。萬世呼天哭孟姜。千古陰山百戰場。不教牧馬過邊疆。而今胡漢無分別。却把長城作觀光。

居庸關口占

雄關百丈倚居庸。塞外風光想像中。莽莽沙原與天接。牛羊一片草低風。

碧雲寺大鐘

大鐘仍在碧雲寺。立地頂天法相莊。堪與摩門琴媲美。中西并稱樂中王。猶州摩門寺有世界最大之琴

訪中山故居

逸仙故居翠亨村。秀水靈山降此人。醫國醫人同一願。勞心勞力為三民。一椽得所嫌原愛。五族共和氣舌親。酸樹蒼蒼猶手植。風雲想見起龍鱗。

中山縣題句

珠江三角仰名村。地以人靈小亦尊。百里樂園鄰水庫。七層古塔出烟墩。樓前山看雙龍斗。港上舟如衆鳥奔。與香港隔水相望。何日重來尋勝迹。

解衣先受玉泉溫。

承德避暑山莊 一九八七

芙蓉十二翠雲橫。烟雨樓前一鏡平。亭閣獨專山水勝。京官何似塞官清。

熱河

承德原名熱河初以爲必大河也及見乃一溪流其長不過里許

亭北金山映夕陽。一灣淺水幾多長。到此方知熱河小。平生所識等浮光。

外八廟

承德外八廟金碧輝煌勝于清宮蓋所以系縻蒙藏番主也

八廟輝煌勝帝宮。蒙藏番主人樊籠。漢家只解和番策。不及滿皇心計工。

訪青島嶗山

海天萬里訪嶗山。多少奇岩與險彎。莫道龍潭飛瀑小。雷霆聲勢滿雲間。

古木十圍仙子種。豐碑兩字才人書。嶗山道士不解事。辜負千秋隱者居。

有古木千年傳爲張三豐所種一碑勒絳雪兩字爲聊齋作者蒲松齡所書蒲曾著書于此山寺

老道僉俗不堪有負名山

青島贈替征

故友喻元慶之女

有女人間曰替征。一家泄泄樂如春。杯盤燈火今宵共。笑語還如見故人。

濟南城景

千群珠玉涌清湍。一望城河柳浪翻。不用遠游勞足力。家家門外即公園。

趵突泉訪李清照祠

雙溪曾憶泛扁舟。同有天涯去國憂。今日趵泉訪遺迹。西風黃菊不知秋。

抗日時曾游金華雙溪輒誦清照載愁之句

登泰山

風雲一纜縮千峰。飛度魯齊青未窮。極目方驚衆山小。此身已在碧霞宮。

路入天門十二重。不知岷險在雲中。回頭山下雙崖峙。一竅惟容箭栝通。

步雲更上玉皇頂。始見泰山峰外峰。群峰相擁雄天下。獨峰難為天下雄。

孔子登臨處

岩岩危石方環膝。浩浩層雲欲蕩胸。二千年來丘與我。小天下處立相同。仲尼一登小天下。從此推為萬岳尊。若同珠穆郎瑪比。泰山應作培塿論。

仙人橋

三石兩崖結翠烟。只應橋上度飛仙。下臨幽谷深無底。一失終天恨莫填。

萬仙樓

高崖垂二幾春秋。一片雲山畫不侔。君若欲窮千里目。何妨更上萬仙樓。樓外高崖刻虫二兩字意謂風月無邊

岱廟

沈沈岱廟邃堪驚。古木千年葉尚生。八角重檐天貺殿。紅燈如隊欲相迎。千古封禪岱有祠。唐槐漢柏見奇姿。功夸一世今何在。剩見荒亭願負碑。

曲阜孔林謁東塘先生墓

桃花扇作者孔尚任字季重號東塘爲孔子六十四代孫

翁仲千古侍宮牆。松柏森森十里長。愛讀桃花扇底曲。聖林先謁孔東塘。

孔廟觀佾舞并訪魯壁

大成殿柱九雕龍。佾舞金聲玉振中。我獨關心經傳史。來尋魯壁舊堂東。

宿孔府

雕梁畫棟起西軒。十二湘簾對月門。一燈夜宿孔家府。芳草天涯憶聖孫。

曲阜至鄒縣車上閑望

乎疇浩淼綠無邊。烟樹蒼茫遠接天。都道地靈人亦杰。尼山而後復誰賢。

鄒縣訪孟子遺迹

來謁儒林一代宗。孟祠孟府并西東。豐碑狼藉紅羊後。金碧飄零夕照中。

杭州贈西湖詩社

滄桑無限感西湖。誰復風流繼白蘇。莫惜諸公斫輪手。江山總要美人扶。

過西湖有感